

Ilagiinni atorfinitsitsisarnerit pillugit Inatsisartut peqqussutaat nr. 8, 30. oktober 1998-imeersoq Atuussimasoq (Historisk)

Kalaallit Nunaanni Ilageeqarneq pillugu inatsimmi nr. 264-imi 6. maj 1993-imeersumi § 5 tunngavigalugu makku aalajangersarneqarput:

Kapitali 1.

Atorfinitsitsinermi piumasaqaataasut

Palasituv provtitullu atorfiit

§ 1. Ilagiinni kalaallini palasituv atorfinni atorfinitsinneqarsinnaapput:

- 1) inuit ilisimatusarfimmi upperisarsiornermi bachelorgradimik angusisimasut imaluunniit danskit universitetianni upperisarsiornermik kandidatituv soraarummeersimasut aamma pastoralseminariumimi ilinniartitaanermik naammassinnissimasut,
- 2) inuit imatuv ilinniagaqarsimasut piginnaassutsinuv tunngatillugu ilinniartissuarmi ilinniartitsisutuv ilinniartitaanermut naleqqiunneqarsinnaasumik ilinniagalit, tamatumalu saniatiguv kristumiutuv upperisarsiornermik annertunerusumik ilinniagaqarsimasut malittarisassat Naalakkersuisut aalajangersagaat malillugit aamma
- 3) inuit palasiusimasut imaluunniit ilagiinni danskini palasiunissamut piumasaqaatinik naammassinnissimasut.

Imm. 2. Palasituv ilagiinnut danskinuv ilaasortaassapput.

Imm. 3. Aammattaaq kalaallit oqaasiinik ilisimasaqarnissaq piumasaqaataavoq, malittarisassat Naalakkersuisunit ilusilersorneqartuv naapertorlugit.

Imm. 4. Naalakkersuisut aalajangersaasinnaapput ilagiit kalaallit ilinniartissuarmi palasinik ilinniartitsinermut ilinniartitseqqittarnermullu ilinniartitaanermut peqataasimanissaq palasituv atorfinissagaanni piumasaqaataasoq. Tamanna pillugu malittarisassanik erseqqinnerusunik Naalakkersuisut aalajangersaasinnaapput.

§ 2. § 1, imm. 1-imi piumasaqaataasunik naammassinnissimannngitsup palasituv atorfinimut qinnuteqaateqarnissaanut Naalakkersuisut immikkut ittumik akuersissuteqarsinnaapput.

§ 3. Ilinniartitaanermut tunngatillugu piumasaqaatit allat inunnik piumasaqaatinik taakkuninnga naammassinnissimasunik amigaateqartoqartillugu § 1, imm. 1, nr. 1 aamma nr. 2-mut taarsiullugit atornerqarsinnaanerannut aalajangersakkanik Naalakkersuisut aalajangersaasinnaapput.

§ 4. Kinaluunniit ilagiinni kalaallini palasituv atorfinitsinneqartoq biskoppimit soraarummeersinneqarsimassaaq, palasinngortitaasimassalluni, palasituv neriorsuummik atsiorsimassalluni aamma biskoppiv uppernarsaasigaanik palasituv sulisinnaangortitaasimassalluni.

Atorfiit allat

§ 5. Ajoqit pattattullu ilinniartitaanerannut malittarisassanik Naalakkersuisut aalajangersaasinnaapput.

Kapitali 2

Atorfinitsitsinerni periaasissat

Palasitut atorfinitsitsineq

§ 6. § 7 malillugu inassuteqartoqartinnagu ajornanngippat biskoppip, imaluunniit provtip biskoppimit piginnaatitaasup, aamma ilagiit sinnersaannut ilaasortassatut qinigaasimasut akornanni ataatsimeeqatigiittoqassaaq, tassani qinnuteqaateqartut pillugit ilisimatitsissuteqartoqassalluni. Qinnuteqarnissamut killiliussap naanerata kingornatigut sapinngisamik piaartumik ataatsimiinnissaq biskoppimit ullussalerneqassaaq, biskoppimillu provtimilluunniit aquneqassalluni. Ilagiit sinnersaasa kissaateqarnerisigut imaluunniit biskopip kissaatiginartippagu biskopip ilagiillu sinnersaannut ilaasortat akornanni ilisimatitsissuteqarniarluni ataatsimeeqqittoqassaaq.

Imm. 2. Imm. 1-imi ilisimatitsissuteqarniarluni ataatsimiinnissamut piffissaliussatigut killiliussanut periaasissanullu malittarisassat Naalakkersuisut aalajangersassavaat.

§ 7. Palaseqarfimmi ilagiit sinnersaannut ilaasortatut qinigaasimasut palasitut atorfinni inuttaqanngitsuni atorfinitsitsinissat pillugit inassuteqaateqassapput. Inassuteqaateqarneq ataatsimeeqatigiinnermi ajornanngippat pissaaq.

Imm. 2. Inassuteqaateqarniarluni ataatsimiinnermi imm. 1-imi taaneqartumut piffissaliussatigut killiliussat suleriaasissallu pillugit malittarisassanik Naalakkersuisut aalajangersaassapput.

§ 8. Qinnuteqaateqartoq ilagiit sinniisaannut ilaasortat inassuteqaataanni ilaanngitsoq Naalakkersuisut atorfinitsissinnaanngilaat. Qinnuteqaateqartoq inassuteqaateqarniarluni ataatsimiinnermi taasinermi siullermi taasisunit tamanit toqqarneqartoq atorfimmuut ivertinneqassaaq. Immikkut ittunik pissutissaqarsimappat atorfik inuttassarsiuuteqqinneqassasoq nutaamillu inassuteqaateqartoqaaqqissasoq Naalakkersuisut aalajangiisinnaapput.

§ 9. Suliffeqarfiit inuilluunniit aalajangersimasukkuutaat ilagiit sinniisaannik pilersitsiviusimangitsut tamakkiisumik ilaannakortumilluunniit sullinneqarnissaat siunertaralugu palasitut atorfiit pilersinneqarsimasut inuttalerneqartarneranni periusissat pillugit malittarisassanik immikkut ittunik Naalakkersuisut aalajangersaasinnaapput.

Domprovstitut provstitulluunniit atorfinitsitsineq

§ 10. Palaseqarfimmi domprovstip provstilluunniit palasiuffigisassaani ilagiit sinniisaannut ilaasortassatut qinigaasimasut §§ 6-imi aamma 7-imi periaasissat malillugit qinnuteqaateqartut pingasut

pingaarnersiorlugit tulleriarlugit inissinneqartut pillugit sapinngisamik oqaaseqaateqartinniarneqassapput.

Imm. 2. Biskoppi qinnuteqaateqartut pingasut pingaarnersiorlugit tulleriarlugit inissinneqartut pillugit sapinngisamik oqaaseqaateqartinniarneqassaaq. Biskoppip qinnuteqaatit ilagiit sinniisaannut ilaasortat namminerlu oqaaseqaatiminnik ilanngussivigalugit Naalakkersuisunut nassiutissavai.

Imm. 3. Atorfimmut kina ivertinneqassanersoq Naalakkersuisut aalajangissavaat. Qinnuteqaateqartumik biskoppip oqaaseqaataanut ilaanngitsumik biskoppi oqaaseqaateqarteqqaarnagu atorfinitsitsisoqassanngilaq.

Imm. 4. Imm. 1-imi aamma 2-mi oqaaseqaataasussanut taaneqartunut piffissatigut killiliussanut suleriaasissanullu malittarisassanik aalajangersaassapput.

Atorfinni allani atorfinitsitsineq

§ 11. Provtip ilagiit sinniisaannut ilaasortanik tusarniaareerneratigut ajoqinik pattattunillu atorfinitsitsisoqartarlunilu soraarsitsisoqartassaaq.

Imm. 2. Provsteqarfimmi ataatsimiititaliaq malittarisassat Naalakkersuisunit suliarineqartut malillugit oqaluffinni pisariaqartinneqartumik ikiortissaqartitsisoqarnissaanut akisussaavoq.

§ 12. Provstit allaffiini atorfiit pilersinneqartarnerat atorunnaarsinneqartarnerallu pillugit Naalakkersuisut aalajangiisassapput. Provsti atorfinnut taakkununga atorfinitsitsisassaaq soraarsitsisassallunilu.

Kapitali 3

Atuutilersitsineq, atuukkunnaarsitsineq ikaarsaariarfillu pillugit aalajangersakkat

§ 13. Inatsisartut peqqussutaat 1. december 1998 aaallarnerfigalugu atortuulersinneqarpoq.

Imm. 2. Tamatumunnga peqatigitillugu makku atorunnaarsinneqarput:

- 1) Kalaallit Nunaanni ilageeqarneq pillugu Inatsisartut peqqussutaanni nr. 2-mi 30. marts 1982-imeersumi §§ 4, 38 aamma 40.
- 2) Ilageeqarneq pillugu Inatsisartut peqqussutaanni nr. 15-imi 28. oktober 1993-imeersumi §§ 20 aamma 30.
- 3) Palasissaaleqineq aaqqiiviginiarlugu Inatsisartut peqqussutaanni nr. 2-mi 6. juni 1997-imeersumi § 1.

Imm. 3. Kalaallit Nunaanni Ilageeqarneq pillugu Inatsisartut peqqussutaanni nr. 2-mi 30. marts 1982-imeersumi §§ 4, 38 kiisalu 40 aamma Palasissaaleqineq aaqqiiviginiarlugu Inatsisartut peqqussutaanni nr. 2-mi 6. juni 1997-imeersumi malittarisassat malillugit aalajangersarneqartut Inatsisartut peqqussutaat manna tunngavigalugu malittarisassani aalajangersarneqartut atorunnaarsinneqarnissamik taarserneqarnissamilluunniit tungaanut atuutiinnassapput.

Jonathan Motzfeldt

/

Konrad Steenholdt